



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

De Iacobo primo, Aragoniae Rege, fundatore Militum Ordinis S. Mariae de Mercede, & Redemptione captiuorum. cap. LXXXVI.

urn:nbn:de:hbz:466:1-38372

FRATER Gundifalvus de la Cerda Hispanus Ordinis militia de Alcantara, Philippi secundi, Hispaniarum Regis Catholici a Sacris, scripsit Commentaria in Epistolam Diui Pauli ad Romanos, quæ excusa sunt Vlyssiponæ anno Domini 1583. in folio: & anno 1591. in folio iterum ibidem. Attributor eum adhuc uiuere.

Frater Ioannes Petrus Gutierrez, Hispanus, Ordinis equitum Alcantaræ, Sacrista maior & Capellanus Philippi II. Hispaniarum Regis, scripsit de origine & principio Ordinis Militum Alcantaræ librum unum lingua materna Hispanica, qui impressus est Madridi per Alonsum Gomes, an. Domini 1576. in fol. Vtrū obierit ignoro.

Frater Petrus Hispanus, militiae Alcantaræ Eques, scripsit Tractatum de Oratione, Hispanica lingua, qui in Italicâ translatus excusus est Venetijs an. Domini 1565. Puto eum hoc nostro seculo claruisse.

Filij Regum Ord. Militum de Alcantara. Ca. LXXXV.

FRATER Sanctius, Ferdinandi I. cognomento Iusti, Regis filius, ab ipsa sua pueritia, Ordinem Alcantaræ militum ingressus, & totius Ordinis Magister creatus anno 1409. eo munere functus est annis septem. Obijt anno 1416. uti supra in Magistris annotauimus.

De Iacobo primo, Aragoniæ Rege, fundatore Militum, Ordinis Sanctæ Mariæ de Mercede, & Redemptione captiuorum. Cap. LXXXVI.

MILITES Alcantaræ, qui & alio nomine à vulgò vocantur Milites S. Benedicti, siue Benedictini, sequuntur Mercenarij, quorum typus repræsentatur in tertio Milite Stellato, Monastico Cucululo, & corona regali ornato. Ipso enim anno quo S. Dominicus in Hispaniam uenit, qui fuit a Christo

sto Nato 1218. Barcinonæ noua piorum hominum instituta sodalitas est, nomine Diuæ Mariæ de Mercede. Cum enim multi terrarumque Christiani homines capti a Mauris, & in seruitutem abacti, uitæ acerbitate a Christo data fidē mouerentur, in magnum Religionis dedecus, & Christiani nominis probum, huius procurandi studio hominum societas instituta, qui corrogatis vndique elemosinis stipe redacta, captiuos fideliter redimerent. Iacobus Fortunatus, is qui Baleares Insulas à Mauris eripuit, Aragoniæ Rex, præcipuus eius Ordinis auctor refertur, notus reus, ut quidam scribunt, quod Montione dum captiuus instar teneretur, Virgini Matri nuncuparat, usu edoctus quantum esset captiuitatis malum. Post Regem Petrus Nolascus homo Gallus, Ducem secururis se præbuit, optimisq; legibus, & institutis, ad Diui P.N. Benedicti norman, nascentem familiam temperauit. Regia insignia, cruce candida imposita in clypeo rubro, ad vestem candidam, & Cucullum in dextera parte Nigrum, in sinistra suluum, toti familiæ distinctionis gratia contributa sunt: ipse in S, Crucis coram Rege, & proceribus de manu Raymundi Pennafortij, qui tunc Regi à confessionibus erat, & deinde Ordinis Dominicani Magister fuit, solenni cærimonia suscepit. Gregorius Pâpa IX. anno 1230. institutam uiuendi rationem probauit. Extat de ea re Gregorij ipsius diploma Perusij datum ad sextum decimum calendâs Februarij. Diui Augustini Regulam sequi plurimi affirmant. Quam opinionem, & nos mordicus tenuimus, usque ad annum proximè præteritum 1593. quo melius edocti sententiam mutauimus. Transeuntibus enim duobus huius Ord. Religiosis Militibus Hispanis per hoc S. Georgij Maioris cœnobium, & Romam uersus tendentibus, cum illis sermo a nobis habitus de fundatione Ordinis sui, & Regula quam sequerentur. Responsum, Normam D. Benedicti sequi. Oppositum, eius Ordinis Religiosos Hispanos Romæ, Diui Augustini institutis subesse, ut ipsemet ab illis, cum illic essem, audiueram. At illis, diuersos a suis esse respondentibus, causa addita, qui Romæ, & in Hispanijs demorarentur, Religiosos tantum S. Mariæ de Mercede, Ordini S. Trinitatis de Mercede proximos, non Milites esse: se uerò Milites, & Religiosos simul. Adiuncta & diuersitatis ratio, armorum scilicet differentia: Illi enim qui Augustinum sequuntur ad armâ Regia, & crucem, fasciam auream in umbonis medio, umbonemq; prætexta aurea insignitum gestant: qui Benedictum uero, sola cruce candida in rubro, armis Regiis superposita contenti, Et ut fides dicto esset forma professionis

fectionis eorum, ab illis mihi relicta quæ dubitationem omnem ante conceptam de S. Augustini institutò, procul a me remouit. Hanc igitur sic accipe:

Ego Frater N. Miles, Ordinis Sanctæ Mariæ de Mercede, facio professionem, & promitto, obedientiam, paupertatem, castitatem obseruare Deo, viuere, & comedere secundum Regulam B. Benedicti, & in Saracenorum potestate, si necesse fuerit, ad redemptionem Christi fidelium, detentus manebo.

Eorum item opinioni fauere videtur ea, quæ habet Hieronymus Pauli in Prouinciali omnium Ecclesiarum, vbi hi Ordines sic distinguuntur, vt vnus, noster videlicet, vocetur Ordo B. Mariæ de Mercede, & redemptione captiuorum: alius verò, Ordo B. Mariæ de Mercede captiuorum simpliciter.

Cardinales, & Sancti, Ordinis Militum S. Mariæ de Mercede, & redemptione captiuorum.

Cap. LXXXVII.



RATER Sanctus Raymundus Nonat, Hispanus, Ordinis Sanctæ Mariæ de Mercede, & redempt. miles, à Gregorio Papa IX. in tertia Cardinalium creatione, anno Domini 1234. Pontificatus sui octauo, mense Decembri, Romæ facta, S.R.E. Diaconus Cardinalis, Tituli S. Eustachij renunciatus; ita uixit, ut post mortem Sanctorum Catalogo adscribi dignus fuerit. Quo tamen anno, & die obierit incertum.

ANNOTATIO.

Raymundi sanctitatem, simul & dignitatem Cardinaliam produunt Vo laterranus Antrop. li. 21. in Tract. Ord. Milit. & Petrus Bugu. nus diario. 1. Hist. Mon. Hi quamuis à quo Cardinalis creatus fuerit non dicant, arbitror tamen ex uerisimili coniectura eum esse, qui à Pauuino in epitome in 4. in tertia Gregorij IX. creatione notatur sub littera R. . . . uocaturque Cardinalis TT. S. Eustachij; eo enim tempore uixit hic Raymundus, qui probationem sui Ordinis impetrauit à prefato Pontifice anno 1230.

Sanctus Petrus Armengol, Hispanus.

Sanctus Alphonsus, Hispalensis.